


www.BibleForChildren.org




Genesis 6




Iagho ginauna na atha mei ka
vaka gne kaisei ga' ase gna
nei kaisei nalha' u gna eghu
balumu ka thua nafnata
nanghaji ba bosu ba saba ba
cheche teu are naugna iara


theome
magnahaghedi
te lehe
fahuidi
re' e na.



Aonu God ne cheke egghu ka mae Noa, "Iara
ginauna na kafe ro' e fahuidi naikno te
khuru magra nei fa' au aknu teu fari
thedi igre nei iara ginauna na
jaola ro' eni nauthoglu igne."




"Iagho ginauna na atha keha thaba te keli
mala hohoro kaisei vaka. Iagho na lilisei
keha chogho ke lamnagna vaka igne,
eghuteuna iagho na laulamu ka
muki ke lamna nei ke kosi
teuna mala theome lulu."



Brahugna na kaisei gobi
tolufulu thilo mita
eghuteuna bi' oga na
varadaki pheii mita
eghuteuna
haghegna


na
nabotho
thilo mita.




"Iagho ginauna na jaola atha mei naba
gano ka vaka na malami ghotilo nei
nanghaji nei bosu nei saba nei
cheche teu te gnafa are
eghu."



Iagho ginauna na atha mei ka vaka gne kaisei ga' ase
gna nei kaisei nalha' u gna egghu balumu ka thua
nafnata nanghaji ba bosu ba saba ba cheche
teu are naugna
iara ...



... theome magnahagheti te lehe fahuidi re' e na.




Kate tei saghe ka vaka na, iagho na atha fitu
nalha' udi nei fitu ga' asedi eghu ka
soasopaigna nafnata glepo te tautagu te
naba mala ghamu nei fafara teu are.




Eghuteuna glepo te tautagu te theome naba te mala
ghamu nei fafara teu are, iagho na atha
kaisei nalha' u gna nei kaisei ga' ase gna
eghu kolho.






Mae
Noa baludi
khetogna,
thugna nalha' u
nei khetodi mae
thugnare egghu ne rikha
ne tei saghe ka vaka na
mala theome knoho ka meigna
nabritha bi' o na.





Kate
namno gobi
finogha gnahi
mae Noa igne
nabritha bi' o na ne
funu mei kate ari te
khaputu nabotho fitu narane
re ka fapea nhigra ka finogha
tuana. Ka narane tuana glose na ne
bagra pea eghuteuna kho' u bi' o teke au
ke pari glose na ne fura haghe kligna.
Eghuteuna nakhete bi' o fara na ne funu
thofa soru ka khoveo te au ka maloa na.






Nakhete na ne soru ka
nauthoglu igne nabagna
phiatutu narane nei phiatutu
bongi neu.




Kho 'u na ne britha
nabagna phiatutu narane,
nei haghe ne haghe kligna
ne tei sala 'uni glose na
aonu vaka na ne phogla.




Eghuteuna kho' u na haghe ne haghe ne tei sala' udi
thogele te bi' o te gnafa re. Nanghaji te gnafa, nei
glepo te tautagu te gnafa eghu te namha ba te
mhaumhaghu, te bi' o ba te ikodi, nei naikno te gnafa
teure ne kafe lehe. Uve, glepo karha te gnafa re ka
nauthoglu gne ne kafe lehe. Mae Noa nei tharakna na
nei unha teke balugna ka vaka na re eghu ngala te
karha na.



God ne theome ghatho ihoni mae Noa
nei glepo tautagu te au teu balugna
mana ka vaka na. Aonu God ne kuru
meini kaisei nuri ne mei ka nauthoglu
gne. Eghuteuna kho 'u na neke
funu thugha soru pari.





Aonu mae Noa neke kuru
teini kaisei balhu, glahula
me kela mojahi kho' u na.




Kate ari te khaputu varadaki fitu narane gna fapea
nhigra na u glose na ne thofno moja fara.



Aonu God ne cheke egghu ka mae Noa, "Iagho
khetomu, thumu nalha' u nei khetodi mae
thumu gre teuna, ghotilo gognaro na
tangomana te jifla
ka vaka igne."



Aonu mae Noa ne hohoro kaisei olta mala tarai ka
LORD. Eghuteuna
mana ne atha keha
nafnata glepo te
tautagu nei keha
nafnata nanghaji teu te
naba mala ghamu re, aonu
mana ne falelehe ne gahu
ne fafara ke
ulugna LORD.



Eghuteuna
God ne cheke
eghu ka
mae Noa,

"Iara ginauna na
lilisei nogu maja na
ka khoveo ka
maloa na are."



"Maja igne na
mala jateula kaisei
fagaglana egghu
eigna nogu nha'a
cheke iara teke eni
balumi ghotilo ia nei
baludi glepo te


gnafa te au ka
nauthoglu igne. Nogu
nha'a cheke iara igne
ginauna theome hui."



Aonu God ne
fablahini mae Noa baludi mae
thugnare, ne cheke egghu, "Au
sua kmana mala fodu nauthoglu
gne. Igre nanghadi thilo
thugna mae Noa re, mae
Sem, mae Ham nei
mae Jafet."



"Thilo mae igre neke
au balugna mae Noa ka vaka na.
Mae Ham gne kmagna mae Kenan.
Thilo mae igre neke thugna mae
Noa, eghuteuna naikno te
gnafa te au ka nauthoglu
igne neke jifla mei ka
thilo mae
igre."



God ne namhadi fara naikno te au kau
nauthoglu igne. Naugna igne mana ne
snakre meini thofno mae Thugna
kaisei ngala mala ihei te fatutuani
ni mana na ginauna theome lehe
fabrahu, nu mana na
karha fabrahu
tifa tifa.



Rom 3:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Rom 6:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Hibru 9:27 Naikno te gnafare na kaisei
fata lehe kolho, ke leghugna igne
God ginauna fatedi mare.



Efesus 2:8,9 Ka narane teke fatutuanani ghotilo na, God neke fakarhi ghami. Ghotilo theome tangomana te fahaehaghe ghami themi neke hatini thofno nakarha na naugna gloku teke edi themire teuna. Theo. Ghotilo neke hatini thofno nakarha igne ka nogna khokofakasai God.

Rom 10:9,10 Jame te cheke egghu iagho ke uludi naikno te gnafare, "Jisas na mae funei!" Eghuteuna te thofno fatutuanani iagho ka nagnafamu na, God neke fakarha fapuloni mana kau glehe teuna, mana ginauna fakarha nigho iagho. Naugna te fatutuanani tahati ka nagnafada na, God na toggho ghita mala au doglo ka tathagna thegna na. Eghuteuna te cheke thakleni tahati noda fatutuanani na, God ginauna na fakarha ghita.



Jone 3:16,17 God ne namhadi fara naikno te
au kau nauthoglu igne. Naugna igne mana ne
snakre meini thofno mae Thugna kaisei
ngala mala ihei te fatutuani ni mana na
ginauna theome lehe fabrahu, nu mana na
karha fabrahu tifa tifa.

Naugna God neke theome kuru meini mae
Thugna na ka nauthoglu gne mala mei fateni
ihei te jafra ka nauthoglu igne, nu mei mala
karha naiknore ka mana.



Ululahu Jone 5:11-13 Igne unha te chekeni God
ka tahati na: God tusu ranghi ghita karha fei
tifa, eghuteuna karha igne mei balugna Thugna.
Eghume ihei te hatini Thugna God na hatini
thofno karha na. Nu ihei te theome hatini
Thugna God na theome hatini thofno karha na.
Iara riso ari letas igne ka ghotilo naikno te
fatutuani ni Thugna God ra. Iara riso ari ka
ghotilo mala laseni gognaro ghotilo te
hatini thofno karha na.



Jenesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Wycliffe Bible Translators Inc. (mrn) © 2022,
All rights reserved.

<https://www.bible.com/bible/3230/GEN.1.NKJV>

©2026 Bible for Children, Inc.

www.M1914.org

www.bibleforchildren.org

